



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

§. 7. Summa veneratione dignos, qui potestate imperandi prædicti sunt.

[urn:nbn:de:hbz:466:1-47032](https://nbn-resolving.de/urn:nbn:de:hbz:466:1-47032)

attrinet: auctoritatem datae, non modo quo data est, obedientia defertur: ei que qui supra cathedram Moysi sedet, quia inde praesidet, non quia eam certa ratione descendit, adhibetur fides. Sic igitur quoties accidebat ut fauore legionum, & acclamatione militari Romanus crearetur Imperator, quando primum vi & armis, vel Iulius, vel Augustus, rem publicam oppresserunt, dum illa bellorum ciuilium tempestas caliginosa, discussis in diuersa animis, desauiebat, meritò minus dilucide cerni potuit, quibus potissimum obsequium esset deferendum: at vero tranquillatis animis, belisque tenebris pacis luce discussis, tum sanè alia rerum omnium & ordinatarior facies clarius elucebat, ut pateret, quis ille esset cui communis consensu pareretur. Non quod vis illata, quod reipublica oppressio, ius facerent, sed quod hominum aggressionibus non optimis, in finem suum sic usque ad diuinam prouidentiam, ut quia vel ad tantum regimen imperij, vel ad disseminandum mox futurum Euangelium, non erat democratio opportuna, violentus quidem unus ceteros oppressus insurgeret, tyrannidique initium daret, at paulo post in communem concordiam inclinati animis, communique auersus seu præteriorum obliuione inducta, ultraneum lasciperetur imperium, tyrannis mutaretur in monarchiam, ac utrumque, affectu & cura pari, tum Imperatorem venerarecur populus, tum populi salutem tueretur Imperator. Certe qui regna transferunt de gente in gentem, et cum maximarum subitas mutatio-

Eccles. 10.

nes leni flexu perficit; potenterque se insinuat, occulta quadam vi omnia in melius prouehens, & quemadmodum supremus omnium moderator huic semper orbis presidet, ita summus confusiois osor, vicarium semper sui inter homines potestatem, sive in ciuilibus, sive in sacris, clarè & aperte vigere, ad humanæ societatis bonum prouidentissime decernit.

Sed haec dicta sufficiant, ut communem auctoritatis vim, Deo semper esse commendatissimam agnoscamus; nihil enim anfractuosum, nihil controuersum habet sacra illa auctoritas, qua Religiosi suis Prelatis obediunt. Constat enim à supremo Dei in terris Vicario Romano Pontifice, unicuique Religiosæ familiæ eam dari potestatem, ut singularum legibus obseruatis, possint Superiores eligi, qui bono communi inuigilent, Religioni Religiosaque præfint; unde consequens est, ut potestatem ab Iesu Christo D.N. per Vicarium eius, & Religionis placita deriuatam, possidere clarissime comprobentur. Quod autem fortassis interdum in questionem vocaretur, hic an ille ritus electus esset, controuersiam de re gesta continet; quæ discussis factis dijudicanda est.

§. 7. Summa veneratione dignos, qui potestate imperandi predicti sunt.

Iam igitur denique concludamus hanc auctoritatem, summum esse donum, quo diuina bonitas, hominis indigentia, humanæque societatis conseruacioni consulere volens, dignissimam quandam, sed certo limite comprehensam, su-

M m m

premæ

premæ suæ in animas auctoritatis, participationem homini in homines largitur, donatque ut alios imperio flectere, premere & regere possit: qui verò eius modi est, ceteris omnibus celsior emineat alienarum actionum moderator & arbiter, suarum verò ita dominus, ut earum rationem repetere, nemo sibi subditorum possit, seuerissimam tamen exacturam sit Deus; cuius ita personam auctoritate sustinet, ut virtus suo non deperdat, cum non virtuti, vel bonitati, vel consilio, vel prudentia, sed personæ publicæ detur: quæ quamdiu intemerata manet, tamdiu illi sua reverentia, obseruantia, obsequiorum praestatio affueret.

Et quoniam tam necessarium tamque dignum id est, quam diximus, propterea diuina prouidentia quam maximam hominibus omnibus, efferas licet & barbaris, erga suos reges, magistratus, sacrorum antistites, venerationem indidit, ut paenè hominem rationemque omnem exuisse, & infra pecudum videantur abiisse naturam, si qui pauci forte reperiuntur, qui palantes sine rege, sine lege, nullaque potestate coerciti vivant. At cum numero, tum imperio rebusque florentissimis, & præclaræ gestis longè plures atque potiores, fuerint semper, hodieque sunt illi, qui monarchiis, qui principibus præpositisque magistratibus, ut rerum suarum iurisque legitimi arbitris, obnoxie parent. Fermeque optimo loco illorum respublica versatur, apud quos purior & integrior diuinæ auctoritatis intemerata imago viger: quod in monarchico statu verum est; in quo omnis in unum collecta auctoritas, unum summum gubernatorem Deum expressius refert, tantoque perfectior & ordinatior est, quanto plenus & summo iure, sua potestati subiecta omnia, pro voluntate moderatur.

Atque hinc id secutum videmus, ut summis (quocunque nomine vocantur) magistratibus is etiam honor haberetur summus exterius, quis sumimam, quæ illis ex animo deberetur, venerationem testata in faceret; cultuque esset quidam illis proprius, insignia honoris quedam, quæ abs alio nemine usurpare fas esset; multaque id obseruent nationes, ut reges suos non nisi de geno soleant alloqui. nec sanè immerito hunc Deo exhiberi solitum honorem ei tribuunt, qui Dei auctoritatem præ ceteris vicinius & perfectius sibi vindicat.

Inde etiam est quodd eorum semper auctoritatem sua prouidentia fanxit Deus, grauissimis penitentiis ad ceterorum exemplum temeratores principum afficiens. Lege, vel memoria recole, si voles, quam acer ultor fuerit eorum omnium, qui le Caij Cæsaris (cuius tamen dubium ius diximus) cæde sordidabant. Sed illustriora sunt quæ à sacris Litteris suppeditantur, seu Davidis, unctum Domini tantopere suspicientis, cæsumque vindicantis; seu Dei, obmurmurantes Moysi, tam acriter punientis; cumque in Samuelem aliquando etiam obloqueretur populus, Non te, inquit, abiecerunt, sed me, ne regnum super eos: præceperat enim aliquando, & obseruari volebat. *Diis non detrubes, & principi populi tui non maledices.* An facto temerari patietur, quos ne verbo quidem ten-

rari vult? quos Deorum quoque nomine dignatur? Iterumque alias saepius eodem loquendi genere vtitur, & maximè dum ait, *Deus stetit in synagoga deorum, in Psal. 81.*
medio autem deos diuidicat: hoc est, inuisibili sua maiestate semper præsens adest.
Deus, dum reges & iudices consilia decernunt; at simul, omnia cernente oculo, quām recta illa sint iudicia diuidicant. Hinc vt & sua dignitatis, & rationis reddendæ sint memores, siue iuxta D. Benedicti salutare præceptum, non tantum quid vocentur, sed etiam quid sint, p̄r̄ oculis habeant. *Ego, inquit, dixi, Dī estis, & filii Excelſi omnes: deos ego vos dixi, ceteris inquam hominibus, iis regendis quasi deos impositos, deos non quidem natura, sed selectione Excelſi, cuius peculiares quidam filii estis, cuiusque præclarissimo ceteris prouidendi munere fungimini. At in honore positi, intelligite, apprehendite disciplinam, & aliquando sapite: quid enim: Vos autem sicut homines moriemini, & sicut unus de principiis cadetis, idemque vos manet interitus, qui præcedentium quemlibet execpit; tum vero potentes potenter tormenta patientur, & iudicium sine misericordia, his quis sine misericordia fuerint, fiet.*

Sed hæc tristiora, & à cogitatione priuatorum aliena mirtamus, dum autem Reges & Præpositi sunt, imò dū sunt dī nostri, videamus quām iustū sit vt quos tantopere præ ceteris euexit Deus, eos nos quoque omni honore, sinceraque animi veneratione, propter Deum, & Deum in eis intuendo prosequamur. Sic tamen vt è dictis iam satis intelligamus, quām diuersa hæc duo sint, *Quod vni ex Matth. 25. minimis meis fecisti, mihi fecisti: &c. Qui vos audit, me audit; qui vos spernit, me spernit.* In priore quippe, alteri factum, sibi reputat Deus, qua ratione, omnis recte facti est liberalis compensator, singularisque virtutum auctor, exemplar & finis: acceditque aliquid magis proprium, si etiam eius intuitu id fuerit patratum. atque hinc fortassis etiam dicitur, *Qui recipit vos, me recipit; & qui me recipit, recipit eum qui me misit.* *Qui recipit prophetam in nomine prophetæ, mercedem prophetæ accipiet: & qui recipit iustum in nomine iusti, mercedem iusti accipiet.* Quibus verbis non idem dici videtur, cum assiterit, *Qui recipit vos, me recipit;* atque cum dicitur, *Qui recipit prophetam in nomine prophetæ, mercedem prophetæ accipiet.* hic enim sensus esse potest, qui prophetam, qui iustum in tantæ virtutis amorem recipit, eam recipier mercedem, quam illa virtutis veneratio meretur. At *qui recipit vos, me recipit,* plus aliquid sonat: *vos enim ille, id est non has aut illas virtutes, sed eam quam ex me geritis auctoritatis personam intuens recipit, quæ persona quia mea est,* suamque à me dignitatem continuo, quasi radius à Sole mutuantur, dum vos recipit, me recipit, mihi honorem præbet. Et certè quidquid de hoc sit, illius tamen alterius loci ille planè sensus est: *Qui vos audit, me audit; qui vos spernit, me spernit.* Ut enim aliquando dixit Dominus, *Mea doctrina non est mea, sed eius qui misit Ioan. 7.* me: eodem sensu dici potest, *Vestra, ô Apostoli, ô Pontifices, ô Reges & Prælades, auctoritas, non est vestra, sed eius qui tam dedit summi Dei; vos ergo ex auctoritate concessa iubentes qui audit, Dei auctoritatem, Deumque loquentem*

M m m 2 audit;

audit; qui vero spernit, is maiestatis diuinæ reus perduellionisque damnandus est. Atque ut spretæ vel etiam affectatæ auctoritatis regia est sensus acerrimus, & crimen odiosissimum, (quippe nihil est quod cum illo supremo dominandi iure in comparationem veniat) ita spretæ seu in ipsomet, seu in Dei vicariis, auctoritatis diuinæ nullum aliud fingi nefandius crimen potest. Et ne vanè id nondixisse putes, en quām disertè sanctus idemque placidissimus propheta, solito acerius ex ardescens affirmet, *Quasi, inquit, peccatum ariolandi est, repugnare: & quasi scelus idolatriæ, nolle acquiescere.* quid enim: idololatra veum non adorat Deum, & deos sibi fингit, qui non sunt dij. quid tu, rebellis & Präpositorum contempator, nunquid non Deos, quos Deos tibi fecit Deus, & Diij tui sunt, contemnit & Deum qui in eis loquitur spensis? ipse que à te ipso, te regendi auctoritatem tibi vendicans, tibi impiè diuinum nūmen arrogas? & quando eodem temeritatis impetu, à vero & solo futuri præfigito Deo peritos gubernante discidis, quando tuis artibus, consiliiis tuis, tua tibi prouidentia consulis, nunquid non istud ariolari est, sibi in futurum meliora prouidere, & (quod sacra Literæ loquuntur) per tumorem animi se prophetam, se sibi videntem fingere? Vide ne in quod improbitatis barathrum, superbia & inobedientia præcipitem hominem derrudat?

Et quidem quæde eminentissima Präpositorum dignitate dicta sunt, ut reverissima ita certissima sunt habenda. Id vnum irenum commendandum habeo, illos qui regendis, & ad æterna dirigendis hominibus præpositi sunt, tanto diuinam illam dignitatem participare nobilius, quanto anima corpori, temporis æterna præstant, quantoque magis proprium Deo soli est, animos, quām corpora mouere: hinc igitur iis eos intucamus oculis, quibus par est æternitatis dulces, beatitudinis conciliatores, animarum custodes intueri. Superior enim, inquit S. Basil. nihil aliud est, quām qui personam Salvatoris obtinet, & mediator Dei & hominum factus est, & qui salutem obedientium, ipse sacrificat. Hanc autem reverentiam, moderato timore conditam, si diligenter auxerimus, ei que humilitatem contem iuxerimus, tum proculdubio id consequemur quod initio commendabam, ut mentis oculis, tanta splendentis auctoritatis luce completis, non sit quod humanæ naturæ nūuos curiosius videre possimus.

C A P V T I I I .

Quid bene vel male iubeatur à Präpositis.

Expositum est superiorē capite, præcipuum illud obedientiæ fundamētum, quo in Präpositis Deum intuemur: proximū est, ut etiam inquiramus an & quomodo in eorum factis & iussis diuina eluceat auctoritas, illustretur sapientia,